

四庫全書

集部

欽定四庫全書

御定全唐詩卷六

章懷太子

太子名賢字明允高宗第六子容止端重甫數歲讀書一覽輒不忘上元二年立為皇太子嘗詔集諸儒張大安等注後漢書武后以明崇儼為盜所殺疑出太子之謀誣構而廢之后得政遂遇害詩一首

黃臺瓜辭

初武后殺太子弘立賢為太子後賢疑隙寢開不能保全無由敢言乃作

是辭命樂工歌之  
冀后聞而感悟

種瓜黃臺下瓜熟子離離一摘使瓜好再摘使瓜  
一作瓜

稀三摘猶一作尚自可摘絕抱蔓歸

韓王元嘉

王高祖第十一子少好學聚書至萬卷皆以古文字參  
定同異閨門修整當世稱之中宗廢居房陵王與越王  
貞父子謀舉兵反正未發而泄為武后所殺有詩一首

奉和同太子監守違戀

高宗為太子也

乾象開層構離明啓少陽卜征從獻吉守器屬元良  
逝矣凌周誦遙哉掩漢莊好士傾南洛多才盛北場  
地分丹鷲嶺途間白雲鄉儲誠虔曉夕宸愛積炎涼  
珠璧連霄漢萬物仰重光

越王貞

王太宗第八子善騎射涉文史有吏幹為宗室材  
王垂拱中王與韓王元嘉等謀舉兵反正事敗仰藥卒  
有詩一首

奉和聖製過溫湯

鳳輦騰宸駕，驪籞次乾遊。  
坎德疎溫液，山隈派暖流。  
寒氛空外擁，蒸氣沼中浮。  
林凋帷影散，雲斂蓋陰收。  
霜郊暢玄覽，參差落景遒。

信安王禕

信安王禕，太宗孫吳王恪次子，特封嗣江王。開元時徙封信安，歷兵部尚書、朔方節度使，坐事除衢州刺史。天寶初，以太子少師致仕。詩一首。

石橋

在衢之爛柯山即王質看仙人弈碁處也詩有貞元二年嚴綬石刻記詩內缺二

十一  
字

別有經行所迴跨重巒側粵因求瘼餘  
倏想尋真域放情恣披拂杖策聊

色亂幡

霧中見雁墀雲間識薄煙羃遠郊遥峯沒  
歸翼仙橋危石架幽洞乘

易測二教無先

後一相平而直冀茲捐俗心永懷依妙力

御定全唐詩卷六

欽定四庫全書

御定全唐詩卷七

宜芬公主

公主本豆盧氏女有才色天寶四載奚雷無主安祿山  
請立其質子而以公主配之上遣中使護送至虛池驛  
悲愁作詩一首

虛池驛題屏風

出嫁辭鄉國由來此別難聖恩愁遠道行路泣相看沙

塞容顏盡邊隅粉黛殘妾心何所斷他日望長安

女學士宋氏若華

貝州宋廷芬之問裔孫也生一男五女男獨愚不可教而五女皆警慧善屬文曰若華若昭若倫若憲若荀若昭文尤高且悉稟性貞素不願歸人欲以學名家貞元中竝召入宮帝與侍臣賡和五人者咸預高其風操不以妾侍命之呼學士倫荀先卒自貞元七年祕禁圖籍詔若華總領元和末贈河內郡君詩一首

嘲陸暢

雲安公主下降暢為賓相才思敏捷應對如流六宮大異之暢吳音以詩嘲焉

一云若昭作

十二層樓倚翠空  
鳳鸞相對立梧桐  
雙成走報監門衛  
莫使吳歛入漢宮

尚宮宋氏若昭

穆宗拜若昭尚宮嗣若華  
秩歷穆敬文三朝皆呼先生  
進封梁國夫人詩一首

奉和御製麟德殿宴百僚應制

垂衣臨八極肅穆四門通

一作雍

自是無為化非闕輔弼

一作相

功修文招隱伏尚武殄妖兇德炳

一作立

韶光熾

一作作

被恩霑雨露濃衣冠陪御宴禮樂盛朝宗萬壽稱觴舉

一作日

千年

一作官

信一同

尚宮宋氏若憲

寶曆初若昭卒若憲復代司宮籍詩一首

奉和御製麟德殿宴百官

一作若荀詩

端拱承休命時清荷聖皇四聰聞受諫五服遠朝王景

媚鶯初轉春殘日更長命一作御筵多濟濟盛樂復鏘鏘  
艷鎬誰將敵橫汾未可方願齊山嶽壽祉福永無疆

鮑氏君徽

鮑君徽字文姬鮑徽君女善詩與尚宮五宋齊名德宗  
嘗召入宮與侍臣賡和賞賚甚厚存詩四首

奉和麟德殿宴百僚應製

一作奉和御製  
麟德殿宴百僚

睿澤先寰海功成展武韶戈鋌清外壘文物盛中朝聖  
祚山河固宸章日月昭玉筵鸞鵠集仙管鳳皇調御柳

新低綠宮鶯乍轉嬌願將億兆慶千祀奉神堯

關山月

高高秋月明北照遼陽城塞迴光初滿風多暈更生征  
人望鄉思戰馬聞鞞驚朔風悲邊草胡沙暗一作昏虜營

霜凝匣中劒風憊原上旌早晚謁金闕不聞刁斗聲

惜花吟

枝上花花下人可憐顏色俱青春昨日看花花灼灼今  
朝看花花欲落不如盡此花下歡莫待春風總吹却鶯

歌蝶舞韶光長

一作韶景長  
又作嬌韶光

紅爐煮茗松花香妝成罷

吟

一作吟罷  
又作曲罷

恣遊後

一作樂

獨把芳

一作花

枝歸洞房

### 東亭茶宴

閒朝向曉

一作晚

出簾櫳茗宴東亭四望通遠眺城池山

色裏俯聆絃管水聲中幽篴引沼新抽翠芳槿低檐欲吐紅坐久此中無限興更憐團扇起清風

### 蕭妃

蕭妃武陵郡王伯良妃詩一首

夜夢

昨日夢君歸賤妾下鳴機極知意氣薄不著去時衣故  
言如夢裏賴得雁書飛

御定全唐詩卷七

欽定四庫全書

御定全唐詩卷八

南唐先主李昇

昇字正倫徐州人楊行密養為子以乞徐溫初冒姓徐  
名知誥代溫秉政受楊氏禪僭帝位諡烈祖傳國三十  
九年詩一篇

詠燈

詩史云九歲在溫家作溫閱  
之歎賞遂不以常兒遇之

一點分明值萬金開時惟怕冷風侵主人若也勤挑撥

敢向尊前不盡心

嗣主璟

璟字伯玉烈祖子風度高秀善屬文謚元宗詩二首

遊後湖賞蓮花

蓼花蘸水火不滅水鳥驚魚銀梭投滿目荷花千萬頃  
紅碧相雜敷清流孫武已斬吳宮女琉璃池上佳人頭

撫遺云識者  
謂非吉語

保大五年元日大雪同太弟景遂汪王景暹齊

王景達進士李建勳中書徐鉉勤政殿學士張

義方登樓賦

珠簾高捲莫輕遮  
往往相逢隔歲華  
春氣昨宵飄律管  
東風今日放梅花  
素姿好把芳姿掩  
落勢還同舞勢斜  
坐有賓朋尊有酒  
可憐清味屬儂家

句

靈槎思浩蕩  
老鶴倚崆峒

古今詩話環割江之後遷都豫章每北望忽忽不樂作詩

有此句

蒼苔迷古道紅葉亂朝霞

廬山百花亭刊石

棲鳳枝梢猶軟弱化龍形狀已依稀

十歲詠新竹

### 後主煜

煜字重光南唐元宗子仁孝善屬文工書畫妙於音律  
置澄心堂於內苑引文士居其間嘗著雜說百篇時人  
以為可繼典論開寶中封隴西公贈吳王集十卷詩一  
卷失傳今存詩十八首

九月十日偶書

晚雨秋陰酒乍醒感時心緒杳難平  
黃花冷落不成豔  
紅葉颼颼競鼓聲背世返能厭俗態  
偶緣猶未忘多情  
自從雙鬢斑斑白不學安仁却自驚

秋鶯

殘鶯何事不知秋橫過幽林尚獨遊  
老舌百般傾耳聽  
深黃一點入煙流棲遲背世同悲魯  
劉亮如笙碎在篋  
莫更留連好歸去露華淒冷蓼花愁

病起題山舍壁

山舍初成病乍輕  
杖藜巾褐稱閒情  
爐開小火深回暖  
溝引新流幾曲聲  
暫約彭涓安朽質  
終期宗遠問無生  
誰能役役塵中累  
貪合魚龍構強名

送鄧王二十弟從益牧宣城

後主自為詩序以送之其畧云秋山

滴翠暮壑澄空愛  
公此行暢乎遐覽

且維輕舸更遲遲  
別酒重傾惜解攜  
浩浪侵愁光蕩漾  
亂山凝恨色高低  
君馳檜楫情何極  
我凭闌干日向西  
咫尺煙江幾多地  
不須懷抱重淒淒

渡中江望石城泣下

江表志作吳讓皇楊溥詩題作泰州永寧宮

江南江北舊家鄉三十年來夢一場  
吳苑宮闈今冷落  
廣陵臺殿已荒涼  
雲籠遠岫愁千片  
雨打歸舟淚萬行  
兄弟四人三百口不堪閒坐細思量

輓辭

宣城公仲宣後主子小字瑞保年四歲卒母昭惠先病哀苦增劇遂至於殂故後主

輓辭并其  
母子悼之

珠碎眼前珍花凋世外春  
未銷心裏恨又失掌中身  
玉筍猶殘藥香奩已染塵  
前哀將後感無淚可霑巾

豔質同芳樹浮危道畧同正悲春落實又苦雨傷叢穠  
麗今何在飄零事已空沈沈無問處千載謝東風

悼詩

仲宣卒後主哀甚然恐重傷昭惠常默坐  
飲泣而已因為詩以寫志吟詠數四左右

為之  
泣下

永念難消釋孤懷痛自嗟雨深秋寂寞愁引病增加咽  
絕風前思昏濛眼上花空王應念我窮子正迷家

感懷

後主昭惠后周氏小字娥皇年二十九殂  
後主哀苦骨立柱而後起每於花朝月夕

無不  
傷懷

又見桐花發舊枝  
一樓煙雨暮淒淒  
凭闌惆悵人誰會  
不覺潛然淚眼低

層城無復見嬌姿  
佳節纏哀不自持  
空有當年舊煙月  
芙蓉城上哭蛾眉

梅花

後主嘗與周后移植梅花於瑤光殿  
之西及花時而后已殂因成詩見意

殷勤移植地曲檻小闌邊  
共約重芳日還憂不盛妍  
阻風開步障乘月漑寒泉  
誰料花前後蛾眉却不全

又

失却煙花主東君自不知清香更何用猶發去年枝

書靈筵手巾

浮生共顛顛壯歲失嬋娟汗手遺香漬痕眉染黛煙

書琵琶背

周后通書史善音律尤工琵琶元宗賞其藝取所御琵琶時謂之燒槽者

賜焉燒槽即蔡邕焦桐之義或謂斲材而斲之或謂因藝而存之后臨殂以琵琶及常臂玉環

親遺  
後主

侏自肩如削難勝數縷條天香留鳳尾餘煖在檀槽

病中感懷

顛顛年來甚蕭條益自傷  
風威侵病骨雨氣咽愁腸  
夜鼎唯煎藥朝髭半染霜  
前緣竟何似誰與問空王

病中書事

病身堅固道情深  
宴坐清香思自任  
月照靜居唯擣藥  
門扃幽院只來禽  
庸醫嬾聽詞何取  
小婢將行力未禁  
賴問空門知氣味  
不然煩惱萬塗侵

賜宮人慶奴

墨莊漫錄云煜常書黃羅扇上至今藏在貴人家

風情漸老見春羞  
到處消魂感舊遊  
多謝長條似相識

強垂煙態拂人頭

題金樓子後

并序

梁元帝謂王仲宣昔在荊州著書數十篇荊州壞  
盡焚其書今在者一篇知名之士咸重之見虎一  
毛不知其斑後西魏破江陵帝亦盡焚其書曰文  
武之道盡今夜矣何荊州壞焚書二語先後一轍  
也詩以慨之

牙籤萬軸裹紅綃王粲書同付火燒不是祖龍留面目

遺篇那得到今朝

楓窗小牘云此詩同書藏內庫今朝誤作金朝徽廟惡而抹之後竟如讖

金八

句

迢迢牽牛星杳在河之陽粲粲黃姑女耿耿遥相望

辛癸

雜集

鶯狂應有恨蝶舞已無多

落花老學菴筆記云作此未久亡國

揖讓月在手動搖風滿懷

詠扇石林燕語宋太祖嘗因曲宴使煜誦其得意詩舉

此太祖曰好一箇翰林學士

病態如衰弱厭厭向五年

以下律髓註

衰顏一病難牽復曉殿君臨頗自羞  
冷笑秦皇經遠

略靜憐姬滿苦時巡  
鬢從今日添新白菊是去年依

舊黃

以下翰  
府名談

萬古到頭歸一死醉鄉葬地有高原  
煜

暮乘醉書此於牖醒而  
見之大悔不久謝世

人生不滿百剛作千年畫  
野

叢  
談

日映仙雲薄秋高天碧深

海錄  
碎事

烏照始潛輝龍

燭便爭秉

以下  
孔帖

疑珠滿露枝

游颺日已西肅穆寒

初至 九重開扇鵠四牖炳燈魚 羽觴無算酌 傾

盃更為壽深卮遞酬賓

韓王從善

從善字子師元宗第七子宋改封楚國公詩一首

薔薇詩一首十八韻呈東海侍郎徐鉉

綠影覆幽池芳菲四月時管弦朝夕興組繡百千枝  
引牆看徧高煩架屢移露輕濡綵筆蠶誤拂吟髭日照  
玲瓏慢風搖翡翠帷早紅飄蘚地狂蔓挂蛛絲嫩刺牽  
衣細新條宰草垂晚香難暫捨嬌態自相窺深淺分前  
後榮華互盛衰尊前留客久月下欲歸遲何處繁臨砌  
誰家密暎籬絳羅房燦爛碧玉葉參差分得殷勤種開

來遠近知晶熒歌袖袂柔弱舞腰支膏麝誰將比庭萱  
自合唾勻妝低水鑑泣淚滴煙靄畫擬憑梁廣名宜亞  
楚姬寄君十八韻思拙媿新奇

吉王從謙

從謙元宗第九子後主母弟也風采峭整動有規誨喜  
為律詩宋改封鄂國公詩一首

觀棊

後主燕閒嘗與侍臣奕從謙甫  
數歲侍側後主命賦觀棊詩

竹林二君子盡日竟沈吟相對終無語爭先各有心恃

強斯有失守分固無侵若算機籌處滄滄海未深

蜀高祖王建

建字光圖許州舞陽人少無賴為忠武軍卒稍遷隊將  
楊復光討黃巢建為都頭僖宗使將神策軍宿衛文德  
元年為招討牙內都指揮使大順二年檢校司徒成都  
尹節度劍南西川招撫雲南八國等使天復三年封蜀  
王遂并有兩川山南西道三峽之地梁既篡唐僭即帝  
位卒號高祖詩一首

贈別唐太師道襲

卅歲便將為肘腋二紀何曾離一日更深猶尚立案前  
敷奏柔和不傷物今朝榮貴慰我心雙旌引向重城出  
褒斜舊地委勲賢從此生靈永泰息

後主衍

衍字化源建之子知學問能為浮豔詞為後唐所滅詩  
五首

幸秦川上梓潼山

喬巖簇冷煙幽徑上寒天下瞰峨眉嶺上窺華岳巔驅  
馳非取樂按幸為憂邊此去如登陟歌樓路幾千

題劔門

緩轡踰雙劔行行躡石稜作千尋壁壘為萬祀依憑道  
德雖無取江山粗可矜回看城闕路雲疊樹層層

過白衛嶺和韓昭

先朝神武力開邊畫斷封疆四五千前望隴山屯劔戟  
後憑巫峽鎖烽煙軒皇尚自親平寇嬴政徒勞愛學仙

想到隗宮尋勝處正應鶯語暮春天

宮詞

蜀檮杌云嘉王宗壽每諫諍行不樂燕會  
衍命工人李玉簫歌其所撰宮詞送宗壽

酒宗壽懼禍乃飲佞臣潘在迎曰嘉王聞玉簫  
即飲請以玉簫賜之衍曰王必不納其詞曰

輝輝赫赫浮玉雲宣華池上月華新月華如水浸宮殿  
有酒不醉真癡人

醉妝詞

者邊走那邊走只是尋花柳那邊走者邊走莫厭金杯

酒

句

不緣朝闕去好此結茅廬

北夢鎖言云衍得入秦至劔閣閱山水之美作時人笑之

吳越王錢鏐

鏐字具美臨安人唐末以鄉兵討平劉漢宏董昌奄有十三州建國稱王好吟詠通圖緯學喜作正書諡武肅

詩二篇

巡衣錦軍製還鄉歌

吳越備史鏐生臨安石鏡鄉臨水里有大木鏐幼與

羣兒戲其下坐大石指麾為隊伍鏐既貴昭宗改其鄉曰廣義里曰勲貴所居營為衣錦營俄

又升為衣錦軍號大木為衣錦將軍天復元年  
鏐於其地大會故老賓客山林樹木皆覆以錦  
幄表衣錦之榮開平四年  
鏐遊錦衣軍作還鄉歌

三節還鄉兮挂錦衣碧天朗朗兮愛日暉  
功成道上兮列旌旗父老遠來兮相追隨  
家山鄉眷兮會時稀今朝設宴兮觥散飛  
斗牛無字兮民無欺吳越一王兮駟馬

歸湘山野錄云時父老不解此歌王復以吳音歌云你  
革見儂底歡喜別是一般滋味子長在我儂心子裏  
至今狂童游女能傲之

沒了期歌

晉公談錄武肅所言皆可律下忽一  
日雜役兵士於公署壁題云云部轄

者皆怒王曰不必怒續書云云  
卒伍見之怡然力役不復怨恚

沒了期沒了期營基纔了又倉基

軍士題

沒了期沒了期春衣纔了又冬衣

武肅續

句

須將一片地付與有心人

題湖州嬰蘭堂 備史鏐欲命高彥為刺史故先示意後

彥為州十一載政果有聲彥海鹽人也

黃河信有澄清日後代應難繼此

才羅隱寢疾鏐臨問題其辟云云隱以紅紗罩其上謝詩有辟間章句動風雷此也隱身後無文嗣鏐詩為

識之

傳語龍王并水府錢塘借與築錢城

鏐築扞海塘函詩一章置海門其未

句云云以  
上竝見備史

### 後王錢俶

俶字文德嗣位三十二年納土歸宋贈秦王諡忠懿好吟詠自編其詩為正本集陶穀為序今存一首

### 宮中作 汝帖

廊廡周遭翠幙遮禁林深處絕喧譁界開日影憐窗紙  
穿破苔痕惡筍芽西第晚宜供露茗小池寒欲結冰花

謝公未是深沈量猶把輸贏局上誇

後蜀嗣主孟昶

昶字保元蜀主知祥第三子明德元年立為太子在位二十八年國亡降宋封秦國公卒贈楚王諡恭惠詩一

篇

避暑摩訶池上作

冰肌玉骨清無汗水殿風來暗香暖

一作滿

簾開明月獨

窺人歌枕釵橫雲鬢亂起來瓊

一作庭

戶寂無聲時見疎

星渡河漢屈指西風幾時來只恐流年暗中換

閩王王繼鵬

閩王審知之孫詩一首

批葉翹諫書紙尾

榕陰新檢

春色曾看紫陌頭亂紅飛盡不禁愁人情自厭芳華歇  
一葉隨風落御溝

御定全唐詩卷八

欽定四庫全書

御定全唐詩卷九

蜀太后徐氏

成都徐耕生二女皆有國色能為詩蜀王建納之姊為賢妃姊為淑妃王衍即位冊賢妃為順聖太后淑妃為翊聖太妃咸康元年衍奉太后太妃同禱青城山凡游歷之處各賦詩刻於石共十六首

丈人觀

早與元妃慕至化

一作

同躋靈嶽訪真仙當時信有壺

中景今

一作

日親來洞裏天儀仗影空寥廓外金絲聲

揭翠微巔惟慙未致華胥理徒卜

一作

昇平萬萬年

玄都觀

千尋綠嶂夾溪流溪登眺因知海

一作

岳低瀑布迸春青

石碎輪茵橫翦翠峯齊步黏苔蘚龍橋滑日閉煙蘿一作

巖鳥徑迷莫道穹天無路到此山便是碧雲梯

丈人觀謁先帝御容

聖帝歸梧野躬來謁聖顏旋登三徑路似陟九疑山日  
照堆嵐迴雲橫積翠間期修封禪禮方俟再躋攀

題金華宮

再到金華頂玄都訪道回雲披分景象黛鎖一作顯樓

臺雨滌前山淨風吹去路開翠屏夾流水何必羨蓬萊

丹景山至德寺

周回雲水遊丹景因與真妃眺上方晴日曉升金晃曜  
寒泉夜落玉丁當松梢月轉琴栖影柏徑風牽麝食香

虔燂六銖宜鑄祀惟祈聖祉保遐昌

題彭州陽平化

尋真游勝境巡禮到陽平水遠波瀾碧山高氣象清殿

嚴孫氏貌碑暗係師名夜月登壇醮

一作夜醮  
古壇月

松風森

磬聲

三學山夜看聖燈

虔禱游靈境元妃夙志同玉香焚靜夜銀燭炫遼空泉  
漱雲根月鐘敲檜杪風印金標聖迹飛石顯神功滿望

天涯極平臨日脚紅猿來齋石上僧集講筵中頓作超  
三界渾疑證六通願成修偃化社稷保延洪

題天迴驛

周遊靈境散幽情千里江山暫得行所恨風一作煙光看

未足却驅金翠入龜城

蜀太妃徐氏

丈人觀

獲陪翠輦喜殊常同涉仙壇豈厭長不羨乘鸞入煙霧

此中便是五雲鄉

玄都觀

登尋丹壑到玄都接日紅霞照座隅  
即向周回巖下看  
似看曾進畫圖無

游丈人觀謁先帝御容

共謁御容儀還同在禁闈笙歌一作喧寶殿彩仗耀金徽  
清淚霑羅袂紅霞拂繡衣九疑山水遠無路繼湘妃

題金華宮

碧煙

一作雲

紅霧漾

一作撲

人衣宿露蒼

一作沾

苔石徑危風

巧解吹松上曲蝶嬌頻采臉邊脂同尋僻境思攜手暗

指遙山學畫眉好把身心清淨處

一作出

角冠霞帔事希

夷

### 和題丹景山至德寺

丹景山頭宿梵宮玉輪

一作軒

金輅駐虛空軍持無水注

寒碧蘭若有花開晚紅武士盡排青嶂下內人皆在講

筵中我家帝子傳王業積善終期四海同

題彭州陽平化

雲浮翠輦屈陽平，真似驂鸞到上清。  
風起半厓聞虎嘯，雨來當面見龍行。  
晚尋水澗聽松韻，夜上星壇看月明。  
長恐前身居此境，玉皇教向錦城生。

三學山夜看聖燈

聖燈千萬炬，旋向碧空生。  
細雨濕一作不暗，好風吹更明。  
磬敲金地響，僧唱梵天聲。  
若說無心法，此光如有情。

題天迴驛

翠驛紅亭近玉京  
夢魂猶是在青城  
比來出看江山景  
却被江山看出行



御定全唐詩卷九

欽定四庫全書

集部

御定全唐詩卷十二

詳校官庶吉士臣胡鈺

主事臣徐以坤覆勘

總校官知縣臣繆琪

校對官編修臣嚴福

謄錄監生臣陳瞻燧

欽定四庫全書

御定全唐詩卷十

郊廟歌辭

祀園丘樂章

唐書樂志曰貞觀二年祖孝孫修定雅樂取禮記大樂與天地同和

故製十二和之樂祭天神奏豫和之樂祭地祇奏順和祭宗廟奏永和登歌奠玉帛奏肅和皇帝行及臨軒奏大和王公出入送文舞出迎武舞入奏舒和皇帝食舉及飲酒奏休和皇帝受朝奏正和皇太子軒懸出入奏承和正至皇帝禮會登歌奏昭和郊廟祖入奏雍和酌獻飲福酒奏壽和六年冬至祀昊天於園丘樂章褚亮虞世南魏徵等作大曆十四年改豫和為元和

以避諱也按唐初作十二和以法天數其  
後增造非一頗無法度皆隨時制名云

豫和

上靈睠命膺會昌盛德殷薦叶辰良景福降兮聖德遠  
玄化穆兮天曆長

太和

穆穆我后道應千齡登三處大得一居貞禮惟崇德樂  
以和聲百神仰止天下文明

肅和

闔陽播氣甄曜垂明有赫圜宰深仁曲成日麗蒼壁煙  
開紫營聿遵乾享式降鴻禎

雍和

欽惟大帝戴仰皇穹始命田燭爰啟郊宮雲門駭聽雷  
鼓鳴空神其介祀景祚斯融

壽和

八音斯奏三獻畢陳寶祚惟永暉光日新

舒和

疊壁凝影皇壇路編珠流彩帝郊前已奏黃鍾歌大呂  
還持寶歷祚昌年

凱安

新唐書禮樂志曰貞觀初更隋文舞曰治康武舞曰凱安郊廟朝會同用之舞

者各六十四人文舞左籥右翟皆委貌冠黑素絳領廣襖白絳草帶烏皮履武舞左干右戚服平冕餘同文舞朝會則武弁平巾幘廣衷金甲豹文絛烏皮鞞執干戚餘同郊廟凡初獻作文舞亞獻終獻作武舞太廟降神以文舞後改治康舞曰化康避高宗諱也舊書樂志曰凱安舞貞觀中造凡有六變一變象龍興參野二變象尅靖闕中三變象東夷賓服四變象江淮寧謐五變象獫狁讐服六變復位以崇象兵還振旅亦如周之大武六成

樂止按貞觀禮享郊廟日文舞奏豫和順和  
永和等樂麟德二年十月文舞改用功成慶  
善樂武舞改用神功破陣樂并改器服後以  
慶善樂不可降神破陣樂不入雅樂復用治  
康凱安  
如故

昔在炎運終中華亂無象艷郊赤烏見邛山黑雲上大  
賚下周車禁暴開殷網幽明同叶贊鼎祚齊天壤

豫和

歌奏畢兮禮獻終六龍馭兮神將昇明德感兮非黍稷  
降福簡兮祚休徵

郊天舊樂章

唐書樂志曰太樂舊有郊天送神辭一章不詳所起

蘋蘩

一作登銅

禮著黍稷誠徵音盈鳳管彩駐龍旂洪歆式

就介福攸歸送樂有闋靈馭遄飛

武后大享昊天樂章

十二首並載本集

大陰凝至化真曜蘊軒儀德邁娥臺啟仁高如幄披捫  
天遂啟極夢日乃昇曦

瞻紫極望玄穹翹至懇聲深衷聽雖遠誠必通垂厚澤  
降雲宮

乾儀混成冲邃天道下濟高明閩陽晨披紫闕太一曉  
降黃庭圓壇敢申昭報方璧翼展虔情丹襟式敷衷懇  
玄鑒庶察微誠

巍巍睿業廣赫赫聖基隆非德承先碩禎符萃眇躬銘  
開武巖側圖薦洛川中微誠詎幽感景命忽昭融有懷  
慙紫極無以謝玄穹

朝壇霧卷曙嶺煙沈爰設筐

一作筐

幣式表誠心筵輝麗

璧樂暢和音仰惟靈鑒俯察翹襟

昭昭上帝穆穆下臨禮崇備物樂奏鏘金蘭羞委薦桂  
醑盈斟敢希靈德聿罄莊心

樽浮九醞禮備三周陳誠非奠契福神猷

奠璧郊壇昭大禮鏘金拊石表虔誠始奏承雲娛帝賞  
復歌調露暢韶英

荷恩承頌託執契恭臨撫廟畧靜邊荒天兵耀神武有  
截資先化無為遵舊矩禎符降昊穹大業光寰宇

肅肅祀典邕邕禮秩三獻已周九成斯畢爰撤其俎載

遷其實或升或降唯誠唯質

禮終肆類樂闋九成仰惟明德敢薦非馨碩慙菲奠久

駐雲輶瞻荷靈澤悚慙兼盈

式乾路闢天扉迴日馭動雲衣登金闕入紫微望仙駕

仰恩徽

中宗祀昊天樂章

唐書樂志曰景龍三年親祀  
昊天上帝降神用豫和皇帝

行用太和登歌用肅和迎俎用雍和酌獻用福  
和送文舞出迎武舞入用舒和武舞作用凱安

豫和

天之厯數歸睿唐頌惟非德欽昊蒼撰吉日兮表殷薦  
冀神鑒兮降闈陽

太和

恭臨寶位肅奉瑤圖恒思解網每軫泣辜德慚巢燧化  
劣唐虞期我良弼式贊嘉謨

告謝

得一流玄澤通三御紫宸遠叶千齡運遐銷九域塵絕  
瑞駢闐集殊祥絡繹臻年登慶西畝稔歲賀盈囷

肅和

悠哉廣覆大矣曲成九玄著象七曜貞一作明珪璧是

奠醞酎斯盈作樂崇德爰暢咸英

雍和

郊壇展敬嚴配因心孤竹簫管空桑瑟琴肅穆大禮鏗  
鏘八音恭惟上帝希降靈歆

福和

九成爰奏三獻式陳欽承景福恭託明禋

中宮助祭升壇

坤元光至德柔訓闡皇風  
采苾苾芳聲遠螽斯美化隆  
睿範超千載嘉猷備六宮  
肅恭陪盛典欽若薦禋宗

亞獻

三靈降饗三后配神虔  
敷藻奠敬展郊禋

舒和

已陳粢盛敷嚴祀更奏笙  
鏞協雅聲璇圖寶歷欣寧謐  
晏俗淳風樂太平

凱安

堂堂聖祖興赫赫昌基泰戎車盟津偃玉帛塗山會舜  
日啟祥暉堯雲卷征旆風猷被有截聲教覃無外

明皇祀圜丘樂章

唐書樂志曰開元十一年祀昊天於圜丘降神用豫和六

變辭同皇帝行用太和登歌奠玉帛用肅和迎俎用雍和皇帝酌獻天神酌獻配座飲福酒並用壽和送文舞出迎武舞入用舒和武舞用凱安禮畢送神用豫和皇帝還大次用太和

豫和

至矣丕搆烝哉太平授犧膺籙復禹繼明草木仁化鳧

鷺頌聲祀宗陳德無媿斯誠

太和

郊壇齋帝禮樂祀天丹青寰宇宮徵山川神祇畢降行  
止重旋融融穆穆納祉洪延

肅和

止奏潛聆登儀宿嘽太玉躬奉參鍾首奠簋簋聿昇犧  
牲遞薦昭事顯若存存以覩

雍和

爛雲普洽律風無外千品其凝九賓斯會裡尊晉燭純  
犧滌汰玄覆攸廣鴻休汪濊

壽和

六變爰闋八階載虔祐我皇祚於萬斯年

壽和

於赫聖祖龍飛晉陽底定萬國奄有四方功格上下道  
冠農黃郊天配享德合無疆

壽和

崇崇泰峙肅肅嚴裡染盛既潔金石畢陳上帝來享介  
福爰臻受釐合祉寶祚維新

舒和

祝史正辭人神叶慶福以德招享以誠應六變云備百  
禮斯泮祀事孔明祚流萬葉

凱安

馨香惟后德明命光天保肅和崇聖靈陳信表皇道玉

鉞初蹈厲金匏既靜好

一本此下有介福何穰  
穰措誠格穹昊二句

豫和

大號成命思文配天神光於蠻龍駕言旋眇眇闔闔昭  
昭上玄俾昌而大於斯萬年

太和

六成既闋三薦云終神心具醉聖敬愈崇受釐皇邸回  
蹕帷宮穰穰之福永永無窮

封泰山樂章

唐書樂志曰開元十三年明皇封  
泰山祀天樂降神用豫和六變迎

送皇帝用太和登歌奠玉帛用肅和迎俎用雍  
和酌獻飲福並用壽和送文舞出迎武舞入用

舒和終獻亞獻用凱安送神  
用豫和中書令張說製辭

豫和

款泰壇柴泰清受天命報天成竦皇心薦樂聲志上達  
歌下迎

億上帝臨下庭騎日月陪列星嘉祝信大轄馨澹神心  
醉皇靈

相百辟貢八荒九歌敘萬舞翔肅振振鏗皇皇帝欣欣  
福穰穰

高在上道光明物資始德難名承眷命牧蒼生寰宇謚  
太階平

天道無親至誠與鄰山川遍禮宮徵維新玉帛非盛聰  
明會真正斯一德通乎百神

饗帝饗親維孝維聖緝熙懿德敷揚成命華夷志同笙  
鏞禮盛明靈降止感此誠敬

太和

孝敬中發和容外彰騰華照寓如昇太陽貞璧就奠玄

靈垂光禮樂具舉濟濟洋洋

肅和

奠祖配天承天享帝百靈咸秩四海來祭植我蒼璧布  
我玄製華日裊回神煙容裔

雍和

俎豆有馥潔粢豐盛亦有和羹既戒既平鐘鼓管磬肅  
唱和鳴皇皇后祖來一作資我思成

壽和

烝烝我后享獻惟彘躬酌鬱鬯跪奠明神孝莫孝乎配  
上帝親敬莫敬乎教天下臣

壽和

皇祖嚴配配享皇天  
皇皇降嘏天子萬年

舒和

六鐘翕協六變成八佾  
倘佯八風生樂九歆兮人神感  
美七德兮天地清

凱安

烈祖順三靈文宗威四海黃鉞誅羣盜朱旗掃多罪戢  
兵天下安約法人心改大哉干羽意長見風雲在

豫和

樂已終裡燎上懷靈惠結皇想歸風疾迴風爽百神來  
衆神往

祈穀樂章

唐書樂志曰貞觀中正月上辛祈穀於南郊降神用豫和皇帝行用太和

登歌奠玉帛用肅和迎俎用雍和送文舞出迎武舞入用舒和武舞用凱安送神用豫和褚亮作其豫和太和壽和凱安五章詞同冬至圜丘按貞觀禮祀感生帝同用此詞顯慶以後同用

冬至園  
丘詞

肅和

履艮斯繩居中體正龍運垂祉昭符啟聖式事嚴禋聿  
懷嘉慶惟帝永錫時皇休命

雍和

殷薦乘春太壇臨曙八簋盈和六瑚登御嘉稷匪歆德  
馨斯飫祝嘏無易靈心有豫

舒和

玉帛犧牲申敬享金絲鍼羽盛音容庶俾億齡禔景福  
長欣萬宇洽時邕

明堂樂章

唐書樂志曰季秋享上帝於明堂降神用豫和皇帝行用太和登歌奠玉

帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用豫和其豫和太和壽和凱安五章詞同冬至園丘貞觀中褚亮等作

肅和

象天御宇乘時布政嚴配申虔宗禋展敬罇壘盈列樹  
羽交映玉幣通誠祚隆皇聖

雍和

八牖晨披五精朝奠霧凝璇籟風清金縣神滌備全明  
淙豐衍載絜彛俎陳誠以薦

舒和

御宸合宮承寶歷席圖重館奉明靈偃武修文九圍泰  
沈烽靜柝八荒寧

武后明堂樂章

並載  
本集

外辦將出

總章陳昔典衢室禮惟神宏規則天地神用叶陶鈞負  
辰三春旦克庭萬宇賓頌已誠虛薄空慙馭兆人

皇帝行

仰膺歷數俯順謳歌遠安邇肅俗阜時和化光玉鏡訟  
息金科方興典禮永戢干戈

皇嗣出入升降

至人光俗大孝通神謙以表性恭惟立身洪規載啟茂  
典方陳譽隆三善祥開萬春

迎送王公

千官肅事萬國朝宗載延百辟爰集三宮君臣德合魚  
水斯同睿圖方永周歷長隆

登歌

禮崇宗祀志表嚴禋笙鏞合奏文物維新敬遵茂典敢  
擇良辰絜誠斯著奠謁方申

配饗

笙鏞間玉宇一作鳴玉文物昭清暉晬影臨芳奠休光下太

徵孝思期有感明絜庶無違

宮音

履良包羣望居中冠百靈萬方資廣運庶品荷財成神  
功諒匪測盛德實難名藻奠申誠敬恭祀表惟馨

角音

出震位開平秩扇條風乘甲乙龍德盛鳥星出薦珪篚  
陳誠實

徵音

赫赫離精御炎陸滔滔熾景開隆暑冀延神鑒俯蘭罇  
式表虔襟陳桂俎

商音

律中夷則序應收成功宣建武義表惟明爰申禮奠庶  
展翹誠九秋是式百穀斯盈

羽音

葭律肇啟隆冬

頌一作  
蘊

藻攸陳饗祭黃鍾既陳玉燭紅

粒方殷稔歲

雩祀樂章

唐書樂志曰孟夏雩祀上帝於南郊降神用豫和皇帝行用太和登歌奠

玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用豫和其豫和太和壽和凱安五章詞同冬至圜丘貞觀中褚亮等作

肅和

朱鳥開辰蒼龍啟暎大帝昭饗羣生展敬禮備懷柔功  
宣舞詠旬液應序年祥協慶

雍和

紺筵分彩瑤圖吐絢風

一作風

管晨凝雲歌曉轉肅事蘭

羞虞中桂奠百穀斯登萬箱攸薦

舒和

鳳曲登歌調令序龍雩集舞汎祥風綵旒雲回昭睿德  
朱干電發表神功

雩祀樂章

唐書樂志曰大樂舊有雩祀降送神  
辭二章不詳所起或云開元中造

豫和

鳥緯遷序龍星見辰純陽在律明德崇禋五方降帝萬  
宇安人恭以致享肅以迎神

豫和

祀遵經設享緣誠舉獻畢于樽徹臨于俎舞止于戚樂  
停祝敵歌以送神神還其所

御定全唐詩卷十

欽定四庫全書

御定全唐詩卷十一

郊廟歌辭

五郊樂章

唐書樂志曰祀五方上帝五郊樂祀黃帝降神奏官音皇帝行用太和登

歌奠玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用豫和其太和壽和凱安豫和四章辭同圜丘祀青帝降神奏角音祀赤帝降神奏徵音祀白帝降神奏商音祀黑帝降神奏羽音餘同黃帝並貞觀中魏徵等作

黃帝宮音

黃中正位含章居貞既長六律兼和五聲畢陳萬舞乃  
薦斯牲神其下降永祚休平

肅和

眇眇方輿蒼蒼圓蓋至哉樞紐宅中圖大氣調四序風  
和萬籟祚我明德時雍道泰

雍和

金縣夕肆玉俎朝陳饗薦黃道芬流紫宸迺誠迺敬載  
享載禋崇薦斯在惟皇是賓

舒和

御徵乘宮出郊甸安歌率舞遞將迎自有雲門符帝賞  
猶持雷鼓答天成

青帝角音

鶴雲旦起鳥星昏集律候新風陽開初蟄至德可饗行  
潦斯挹錫以無疆蒸人乃粒

肅和

玄鳥司春蒼龍登歲節物變柳光風轉蕙瑤席降神朱

絃饗帝誠備祝嘏禮殫珪幣

雍和

大樂稀音至誠簡禮文物棗棗聲明濟濟六變有成三  
登無體乃眷豐潔恩覃愷悌

舒和

笙歌籥舞屬年韶鷺鼓鳧鐘展時豫調露初迎綺春節  
承雲遽踐蒼霄馭

赤帝徵音

青陽告謝朱明戒序延長是祈敬陳椒醕博碩斯薦笙  
鏞備舉庶盡肅恭非馨稷黍

肅和

離位克明火中宵見峰雲暮起景風晨扇木槿初榮含  
桃可薦芬馥百品鏗鏘三變

雍和

昭昭丹陸奕奕炎方禮陳牲幣樂備篚簠黃瓊羞溢俎玉  
醕浮觴恭惟正直歆此馨香

舒和

千里溫風飄絳羽十枝炎景賸朱干陳觴薦俎歌三獻  
拊石掇金會七盤

白帝商音

白藏應節天高氣清歲功既阜庶類收成萬方靜謐九  
土和平馨香是薦受祚聰明

肅和

金行在節素靈居正氣肅霜嚴林彫草勁豺祭隼擊潦

收川鏡九穀已登萬箱流詠

雍和

律應西成氣躔南呂珪幣咸列笙竽備舉  
必必蘭羞芬芬桂醕式資宴貺用調霜序

舒和

璿儀氣爽驚緹籥玉呂灰飛含素商鳴鞀奏管芳羞薦  
會舞安歌葆眊揚

黑帝羽音

嚴冬季月星迴風厲享祀報功方祚來歲

肅和

律回

一作周

玉琯星周

一作回

金度次極陽烏紀窮陰兔火

林霰雪陽泉凝沍八蜡已登三農息務

雍和

陽月斯紀應鍾在候載潔牲牲爰登俎豆既高既遠無聲無臭靜言格思惟神保祐

舒和

執籥持羽初終曲朱干玉鉞始分行七德九功咸已暢  
明靈降福具穰穰

五郊樂章

唐書樂志曰大樂舊有五郊  
迎送神辭十章不詳所起

黃郊迎神

朱明季序黃郊王辰厚以載物甘以養人毓金為體稟  
火成身宮音式奏奏以迎神

送神

春末冬暮徂夏杪秋土王四月一作時季一周黍稷已

享遵豆宜收送神有樂神其賜休

青郊迎神

緹幕移候青郊啟蟄淑景遲遲和風習習璧玉宵備旌  
旄曙立張樂以迎帝神其入

送神

文物流彩聲明動色人竭其恭靈昭其飭歆薦不已垂  
禎無極送禮有章惟神還軾

赤郊迎神

青陽節謝朱明候改靡草彫華一作花含桃流彩虞列鐘  
磬筵陳脯醢樂以迎神神其如在

送神

炎精式降蒼生攸仰羞列豆籩酒陳犧象昭祀有應冥  
期一作儀不爽送樂張音惟靈之往

白郊迎神

序移玉律節應金商天嚴殺氣吹警秋方禋燎既積稷  
奠並芳樂以迎奏庶降神光

送神

祀遵五禮時屬三秋人懷肅敬靈降禎休奠歆旨酒薦  
享珍羞載張送樂神其上遊

黑郊迎神

玄英戒序黑郊臨候掌禮陳彛司筵執豆寒氛斂色  
泓泉凝漏樂以迎神八音斯奏

送神

北郊時列南陸輝處奠本虔誠獻彌恭慮上延祉福下

承歡豫廣樂送神神其整馭

朝日樂章

唐書樂志曰貞觀中朝日樂降神用豫和皇帝行用太和登歌奠玉帛用

肅和迎俎用雍和酌獻飲福奏壽和送文舞出迎武舞入用舒和武舞用凱安送神用豫和其

豫和太和壽和凱安五章辭同冬至園丘

肅和

惟聖格天惟明饗日帝郊肆類王宮戒吉珪奠春舒鐘  
歌曉溢禮云克備斯文有秩

雍和

晨儀式薦明祀惟光神物爰止靈暉載揚玄端肅事紫  
幄興祥福履攸假於昭允王

舒和

崇牙樹羽延調露旋宮扣律掩承雲誕敷懿德昭神武  
載集豐功表睿文

朝日樂章

唐書樂志曰太樂舊有朝日  
迎送神辭二章不詳所起

迎神

太陽朝序王宮有儀蟠桃彩駕細柳光馳軒祥表合漢

歷彰竒禮和樂備神其降斯

送神

五齊兼酌百羞具陳樂終廣奏禮畢崇禋明鑑萬寓照  
臨兆人永流洪慶式動曦輪

夕月樂章

唐書樂志曰貞觀中夕月樂降神用豫和皇帝行用太和登歌奠玉帛用

肅和迎俎用雍和酌獻飲福用壽和送文舞出迎武舞入用舒和武舞用凱安送神用豫和其豫和太和壽和凱安五章辭同冬至圍丘

肅和

測妙為神通微曰聖坎祀貽則郊禋展敬璧薦登光金  
歌動映以載嘉德以流曾慶

雍和

肅晨爭舉天宗禮闢夜典涼秋陰明湛夕有躋斯旨有  
牲斯碩穆穆其暉穰穰是積

舒和

合吹八風金奏動分容萬舞玉鞘驚詞昭茂典光前烈  
夕曜乘功表盛明

祀九宮貴神樂章

唐天寶中祀九宮貴神樂降神用豫和六變皇帝行用太

和登歌用肅和迎俎用雍和酌獻用壽和飲福酒用福和退文舞迎武舞用舒和亞獻終獻用

凱安登歌撤豆用肅和送神用豫和

豫和

於昭上穹臨下有光羽翼五佐周流八荒誰其饗之時  
文對敷虞經夏典茲禮未遑

黑帝旋馭青躔導日金錄上玄玉堂初吉鈞陳夕次鑾  
和先蹕藹藹羣靈昭昭咸秩

帝臨中壇受釐元神皇靈萃止羽旄肅陳攝提運衡招  
搖移輪光光宇宙電耀雷震

夜如何其明星煌煌天清容衛露結壇場樹羽幢幢佩  
玉鏘鏘凝精駐目瞻望神光

九位既肅萬靈畢會天門啟扃日馭飛蓋煥兮琴離儂  
兮暗靄如山之福惟聖時對

崇崇泰壇靈具臨兮鏗鏘大樂振動心兮神之降矣卿  
雲郁兮神之至止清風肅兮

太和

帝在靈壇大明登光天回雲粹穆穆皇皇金奏九夏圭  
陳八鄉曠哉動植如熙春陽

肅和

歌工既奏神位既秩天符衆星運行太一聲和十管氣  
應中律肅肅明廷介茲元吉

雍和

俎豆有踐黃流在尊九宮之祀三代莫存樂變六宮壇

開八門聖皇昭對祐我黎元

壽和

時文指后肅事嚴禋馨我明德享於一作我貴神大庖載

盈旨酒斯醇精意所屬期於利人

福和

祀既云畢明靈告旋禮洽和應神歆福延一作福至神虔動植

咸若陰陽不愆錫茲純嘏天子萬年

舒和

羽籥既闋干戚陳八音克諧六變新愉貴神兮般以樂  
保皇祚兮萬斯春

凱安

盛德陳萬舞威稜暢九垓風雲交律候日月麗昭回行  
慶休祥發乘和春氣來百神肅臨享蕩蕩天門開

肅和

精意嚴恭明祠一作豐潔獻酬既備俎豆斯撤日麗天

儀風和樂節事光祀典福覃有截

豫和

享申百禮慶洽百靈上排闥闔洞入杳冥奠玉高壇燔  
柴廣庭神之降福萬國咸寧

祀風師樂章

包佶  
撰辭

迎神

太皞御氣句芒肇功蒼龍青旗爰候祥風律以和應神  
以感通鼎俎修饗時惟禮崇

奠幣登歌

旨酒告絜青蘋應侯禮陳瑤幣樂獻金奏彈弦自昔解  
凍惟舊仰瞻盼蠻羣祥來湊

迎俎酌獻

德盛昭臨迎拜異方爰候發生式薦馨香酌醴具舉工  
歌載揚神歆六律恩降百祥

亞獻終獻

管籥備玉帛陳風動物樂感神三獻終百神臻草木祭

天下春

送神

徽穆敷華能應節飄揚發彩宜行慶送迎靈駕神心享  
跪拜靈壇禮容盛氣和草木發萌芽德暢禽魚遂翔泳  
永望翠蓋逐流雲自茲率土調春令

祀雨師樂章

包佶撰辭

迎神

陟降左右誠達幽圜

一作玄

作解之功樂惟有年雲輶展

止灑霧飄煙惟馨展禮爰列豆籩

奠幣登歌

歲正朱明禮布元

一作

制惟樂能感與神合契陰霧離

披靈馭搖裔膏澤之慶期於稔歲

迎俎酌獻

陽開幽蟄躬奉鬱鬯禮備節應震來靈降動植求聲飛  
沈允望時康氣茂惟神之貺

亞獻終獻

奠既備獻將終神行令瑞飛空迎乾德祈歲功垂煙燎

儼從風

送神

整駕昇車望寥廓垂陰薦祉蕩昏氛饗時靈貺儻如在  
樂罷餘聲遙可聞飲福陳誠禮容備撤俎終獻曙光分  
跪拜臨壇結空想年年應節候油雲

御定全唐詩卷十一

欽定四庫全書

御定全唐詩卷十二

郊廟歌辭

祭方丘樂章

唐書樂志曰貞觀中夏至祭皇地祇於方丘迎神用順和皇帝行用

太和登歌奠玉帛用肅和迎俎用雍和酌獻飲福用壽和送文舞出迎武舞入用舒和武舞用凱安其太和壽和凱安三章詞同冬至圜丘並褚亮等作

順和

萬方資以化交泰屬昇平易從業惟簡得一道斯寧具

儀光玉帛送舞變咸英黍稷良非貴明德信惟馨

肅和

至矣坤德皇哉地祇開元統紐合大承規九宮肅列六  
典相儀永言配命長保無虧

雍和

柔而能方直而能敬厚載以德大亨以正有滌斯牲一作牲  
有馨斯盛介茲景福祚我休慶

舒和

玉幣牲牲分薦享羽旄干戚遞成容一德惟寧兩儀泰  
三才保合四時邕

順和

陰祇協贊厚載方貞牲幣具舉簫管備成其禮惟肅其  
德惟明神之聽矣式鑒虔誠

武后大享拜洛樂章

唐書樂志曰則天皇后永昌元年大享拜洛樂禮設

用昭和次致和次咸和乘輿初行用九和次拜  
洛受圖用顯和登歌用昭和迎俎用敬和酌獻  
用欽和送文舞出迎武舞入用齊和武舞用德  
和撤俎用禋和辭神用通和送神用歸和按樂

志又有歸和一章亦送神詞也並載本集逸酌獻一章

昭和

九玄眷命三聖基隆奉承先旨明臺畢功宗祀展敬冀  
表深衷永昌帝業式播淳風

致和

神功不測兮運陰陽包藏萬宇兮孕八荒天符既出兮  
帝業昌願臨明祀兮降禎祥

咸和

坎澤祠容備舉坤壇祭典爰申靈睠遙行祕躅嘉貺荐  
委殊珍肅禮恭禋載展翹襟邈志逾殷方期交際懸應  
下一  
句逸

九和

祇荷坤德欽若乾靈慙惕罔寘興居匪寧恭崇禮則肅  
奉儀形惟憑展敬敢薦非馨

顯和  
拜洛

非躬承睿頤薄德忝坤儀乾乾遵後命翼翼奉先規撫

俗勤雖切還淳化尚虧未能弘至道何以契明祇

顯和受圖

顧德有慙虛菲明祇屢降禎符汜水初呈祕象溫洛薦  
表昌圖玄澤流恩載洽丹襟荷渥增愉

昭和

舒陰致養合大資生德以恒固功由永貞升歌薦序垂  
幣翹誠虹開玉照鳳引金聲

敬和

蘭俎既昇蘋羞可薦金石載設咸英已變林澤斯總山  
川是遍敢用敷誠實惟忘倦

齊和

沈潛演貺分三極廣大凝禎總萬方既薦羽旌文化啟  
還呈干鉞武威揚

德和

夕惕司龍契晨兢當鳳宸崇儒習舊規偃伯循先旨絕  
壤飛冠蓋遐區麗山水幸承三聖餘忻屬千年始

禋和

百禮崇容千官肅事靈降無兆神凝有粹莫享咸周威  
儀畢備奏夏登列歌雍徹肆

通和

皇皇靈睠穆穆神心暫動凝質還歸積陰功玄樞紐理  
寔高深銜恩佩德聳志翹襟

歸和

言旋雲洞兮躡煙途永寧中宇兮安下都包涵動植兮

順榮枯長貽一作寶貺今贊璇圖

又歸和

調雲闕兮神座興駿雲駕兮儼將昇騰絳霄兮垂景祐  
翹丹懇兮荷休徵

祭方丘樂章

唐書樂志曰睿宗太極元年祭皇地祇於方丘迎神用順和八變加

金奏皇帝行用太和登歌奠玉帛用肅和迎俎及酌獻用雍和送文舞出迎武舞入用舒和武舞用凱安送神用順和太和凱安詞同貞觀冬至園丘肅和雍和辭同貞觀太廟舒和詞同皇

帝朝羣臣

順和

坤厚載物德柔垂祉九域咸雍四溟為紀敬因良節虔  
修陰祀廣樂式張靈其降止

金奏

坤元至德品物資生神凝博厚道協高明列鎮五嶽環  
流四瀛于何不載萬寶斯成

順和

樂備金石禮光尊俎大享爰終洪休是舉雨零感節雲

飛應序纓紱載辭皇靈具舉

祭汾陰樂章

唐書樂志曰明皇開元十一年祭皇地祇於汾陰迎神用順和八變

皇帝行用太和登歌奠玉用肅和迎俎用雍和酌獻飲福用壽和送文舞出迎武舞入用舒和

武舞用凱安送神用順和

順和

林鍾宮 黃門侍郎韓思復作

大樂和暢殷薦明神一降通感八變必臻有求斯應無德不親降靈醉止休徵萬人

太簇角

中書侍郎盧從愿作

坤元載物陽樂發生播殖資始品彙咸亨列俎棋布方  
壇砥平神歆禋祀后德惟明

姑洗徵

司勳郎中  
劉冕作

大君出震有事郊禋齋戒既肅馨香畢陳樂和禮備候  
暖風春恭惟降福實賴明神

南呂羽

禮部侍郎  
韓休作

於穆濬哲維清緝熙肅事昭配永言孝思滌濯靜嘉馨  
香在茲神之聽之用受福釐

太和

吏部尚書  
王峻作

於穆聖皇六葉重光  
太原刺頌后土疏場  
寶鼎呈符啟  
雲孕祥禮樂備矣降福穰穰

肅和

刑部侍郎  
崔玄暉作

聿脩嚴配展事禋宗  
祥符寶鼎禮備黃琮  
祝詞以信明德惟聰  
介茲景福永永無窮

雍和

徐州刺史  
賈曾作

蠲我饑饉絜我管籥  
有豆孔碩為羞既臧  
至誠無昧精

意惟芳神其醉止欣欣樂康

壽和

禮部尚書  
蘓頌作

禮物斯具

一作備

樂章乃陳誰其作主皇考聖真對越在

天聖明佐神宵然汾上厚澤如春

舒和

太常少卿  
何鸞作

樂奏云闋禮章載虔裡宗於地昭假於天惟馨薦矣既  
醉歆焉神之降福永永萬年

凱安

主爵郎中  
蔣挺作

維歲之吉維辰之良聖君紱冕肅事壇場大禮已備大  
樂斯張神其醉止降福無疆

順和

尚書右丞  
源光裕作

方丘既膳嘉饗載謚齊敬畢誠陶匏貴質秀畢一作豐

薦芳

一作芬

俎盈實永永福流其昇如日

禪社首樂章

唐書樂志曰明皇開元十三年禪社首山祭地祇樂迎神用順和皇

帝行用太和登歌奠玉帛用肅和迎俎入用雍和初獻用壽和飲福用福和還宮用太和送神

用靈具醉以代順和前七章太常少卿賀知章撰後送神一章侍中源乾曜撰

順和

至哉含柔德萬物資以生常順稱厚載流謙通變盈聖  
心事能察增廣陳厥誠黃祇優如在泰折俟咸亨

太和

肅我成命於昭黃祇裘冕而祀陟降在斯五音克備八  
變聿施緝熙肆靖厥心匪離

肅和

黃祇是祇我其夙夜寅畏誠絜匪違寧舍禮以琮玉薦

厥茅藉念茲降康胡寧克暇

雍和

夙夜宥密不敢寧宴五齊既陳八音在縣粢盛以潔房  
俎斯薦惟德惟馨尚茲克徧

壽和

惟以明發有懷載殷樂盈而反禮順其裡立清以獻薦  
欲是親於穆不已哀對斯臻

福和

穆穆天子告成盛宗大裘如濡執珽有顯樂以平志禮  
以和容上帝臨我云胡肅邕

太和

昭昭有唐天俾萬國列祖應命四宗順則申錫無疆宗  
我同德曾孫繼序享神配極

靈具醉

靈具醉杳熙熙靈將往眇禋禋顧明德吐正辭爛遺光  
流禎祺

祭神州樂章

唐書樂志曰貞觀中祭神州於北郊迎神用順和皇帝行用太和登

歌奠玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送

神用順和順和詞同夏至方丘太和壽和凱安詞同冬至園丘並褚亮等作

肅和

大矣坤儀至哉神縣包含日域牢籠月竈露絜三清風  
調六變皇祇介祉式歆恭薦

雍和

泰折嚴享陰郊展敬禮以導神樂以和性黜牲在列黃

琮俯暎九土既平萬邦貽一作慶

舒和

坤道降祥和庶品靈心載德厚羣生水土既調三極泰

文武畢備九區平

祭神州樂章

唐書樂志曰太樂舊有祭神州迎送神詞二章不詳所起

迎神

黃輿厚載赤寰歸德含育九區保安萬國誠敬無怠禋祀有則樂以迎神其儀不忒

送神

神州陰祀洪恩廣濟草樹霑和飛沈沐惠禮修鼎俎奠  
歆瑤幣送樂有章靈軒其逝

祭大社樂章

唐書樂志曰貞觀中祭大社樂迎神用順和皇帝行用太和登歌奠

玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用順和順和詞同夏至方丘太和壽和凱安詞同冬至圜丘並褚亮等作

肅和

后土凝德神功協契九域底平兩儀交際戊期應序陰

墉展幣靈車少留俯歆樽桂

雍和

美報崇本巖恭展事受露踈壇承風啟地絜粢登俎醇  
犧入饋介福遠流羣生畢遂

舒和

神道發生敷九稼陰極乘仁暢八埏緯武經文隆景化  
登祥薦祉啟豐年

祭太社樂章

唐書樂志曰太樂舊有太社  
迎送神詞二章不詳所起

迎神

烈山有子后土有臣播種百穀濟育兆人春官緝禮宗伯司禋戊為吉日迎享茲辰

送神

吉祥式就酬功載畢親地尊天禮文經術貺徵令序福流初日神馭爰歸祠官其出

蜡百神樂章

唐書樂志曰貞觀中蜡百神樂降神用豫和皇帝行用太和登歌奠

玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用

豫和其豫和太和壽和凱  
安五章詞同冬至圍丘

肅和

序迫歲陰日躔星紀爰稽茂典聿崇清祀綺幣霞舒瑞

珪虹起百禩

一作禮  
一作靈

垂裕萬靈薦

一作社  
方受

雍和

緹籥勁序玄英晚候姬蜡開儀幽歌入奏蕙馥雕俎蘭  
芬玉酌大亨明祇永綏多祐

舒和

經緯兩儀文化洽削平方域武功成  
瑤絃自樂乾坤泰

玉鉞長歡

一作歌

區宇寧

蜡百神樂章

唐書樂志曰太樂舊有蜡百神迎送神詞二章不詳所起

迎神

此詞廢不行用

八蜡開祭萬物合祀上極天維下窮坤紀  
鼎俎流芬一作  
馥罇彛薦美有靈有祇咸希來止

送神

此詞後尚行用

十旬歡洽一日祠

一作祀

終澄彛拂俎報德酬功慮虔容

肅禮緝儀豐神其降祉整馭隨風

享先農樂章

唐書樂志曰貞觀中享先農樂迎神用咸和皇帝行用太和登歌奠

玉帛用肅和迎俎用雍和酌獻飲福用壽和送文舞出迎武舞入用舒和武舞用凱安送神用

咸和其太和壽和凱安詞同冬至園丘並褚亮等作

咸和

粒食伊始農之所先古今攸賴是曰人天耕斯帝藉播厥公田式崇明祀神其福焉

肅和

樽彝既列瑚簋方薦歌工載登幣禮斯奠肅肅享祀顯  
顯纓弁神之聽之福流寰縣

雍和

前夕視牲質明奉俎沐芳整弁其儀式序盛禮畢陳嘉  
樂備舉歆我懿德非馨稷黍

舒和

羽籥低昂文綴已干戚蹈厲武行初望歲祈農神所聽  
延祥介福豈云虛

享先農樂章

唐書樂志曰太樂舊有享先農送神樂章不詳所起

咸和

三推禮就萬庾祈凝  
夤賓志遠薦藜惟興  
降歆肅薦垂祐祇膺  
送神有樂神其上昇

享先蠶樂章

唐書樂志曰顯慶中皇后親蠶內出享先蠶樂章迎神用永和亦曰

頌德皇后昇壇用肅和登歌奠幣用展敬迎俎用絜誠飲福送神用昭慶

永和

芳春開令序韶苑暢和風  
惟靈申廣祐利物表神功  
綺

會周天宇黼黻藻寰中庶幾承慶節歆奠下帷宮

肅和

明靈光至德深功掩百神祥源應節啟福緒逐年新萬  
宇承恩覆七廟佇恭禋于一作茲申至懇方期遠慶臻

展敬

霞莊列寶衛雲集動和聲金卮薦綺席玉幣委芳庭因  
心罄丹款先已勵蒼生所冀延明福於茲享至誠

絜誠

桂筵開玉俎蘭圃薦瓊芳八音調鳳歷三獻奉鸞觴絜  
粢申大享庭寓異降祥神其覃有慶契福永無疆

昭慶

仙壇禮既畢神駕儼將昇佇屬深祥起方期庶績凝虔  
誠資宇內務本勗黎蒸靈心昭備享率土洽休徵

釋奠文宣王樂章

唐書樂志曰皇太子親釋奠  
迎神用誠和亦曰宣和皇太

子行用承和登歌奠幣用肅和迎俎用雍和送  
文舞出迎武舞入用舒和武舞用凱安詞同冬  
至園丘送神用誠和詞同迎神通典曰開元中  
又造三和樂一曰祴和三公升降及行則奏之

二曰豐和享先農則奏之三曰  
宣和祭孔宣父齊太公則奏之

### 誠和

聖道日用神幾

一作機

不測金石以陳弦歌載陟爰釋其

菜匪馨于稷來顧來享是宗是極

### 承和

萬國以貞光上嗣三善茂德表重輪視膳寢門遵要道  
高闢崇賢引正人

### 肅和

粵惟上聖有縱自天傍周萬物俯應千年舊章允著嘉  
贄孔虔王化茲首儒風是宣

雍和

堂獻瑤篚庭敷瓊懸禮備其容樂和其變肅肅親享雍  
雍執奠明德惟馨蘋蘩可薦

舒和

隼集龜開昭聖烈龍蹲鳳跼肅神儀尊儒敬業宏圖闡  
緯武經文盛德施

享孔子廟樂章

唐書樂志曰太樂舊有享孔子廟迎送神詞二章不詳所起

迎神

通吳表聖問老探真三千弟子五百賢人億齡規法萬載嗣裡潔誠以祭奏樂迎神

送神

醴溢犧象羞陳俎豆魯壁類聞泗川如覲里校覃福胄  
筵承祐雅樂清音送神具奏

釋奠武成王樂章

郭茂倩樂府云唐釋奠武成王舊以文宣王樂章用之德

宗貞元中詔  
于郾補造

迎神

卜畋不從兆發非熊乃傾荒政爰佐一戎盛烈載垂命  
祀惟崇日練上戊宿嚴闕宮迎奏嘉至感而遂通

奠幣登歌

管磬升羶薌集上公進嘉幣執信以通儉如及恢帝功  
錫后邑四維張百度立綿億載邈難挹

迎俎酌獻

五齊潔九牢碩椀壓循壘竿滌進具物揚鴻績和奏發  
高靈寂虔告終繁祉錫昭秩祀永無易

亞獻終獻

貳觴以獻三變其終顧此非馨尚達斯衷茅縮可致神  
歆載融始神翊周拯溺除凶時維降祐永絕興戎

送神

明祀方終備樂斯闋黝纁就瘞豆邁告撤盱蠻尚餘光  
景云滅返歸虛極神心則悅

享龍池樂章

唐書樂志曰明皇龍潛時宅隆慶坊宅南坊人所居忽變為池望氣

者異焉故中宗季年泛舟池中明皇正位以坊為宮池水逾大彌漫數里因為龍池樂以歌其祥新書禮樂志曰龍池樂舞者十二人冠芙蓉冠攝履備用雅樂惟無鐘磬唐逸史曰明皇在東都晝寢夢一女子容豔異常梳交心髻大袖寬衣帝曰汝何人曰妾凌波池中龍女也衛宮護駕妾實有功今陛下洞曉鈞天之樂願賜一曲以光族類帝於夢中為鼓胡琴倚歌為凌波池之曲龍女拜謝而去及寤盡記之命禁樂自御琵琶習而翻之因宴于凌波宮臨池奏新聲忽池波湧起有神女出於波心乃夢中之女也望拜御座良久乃沒因置祠池上每歲祀之會要曰開元元年內出祭龍池樂章十六年築壇於興慶宮以仲春月祭之

第一章

紫微令  
姚崇作

恭聞帝里生靈迺應報明君鼎業新既協翠泉光寶命  
還符白水出真人此時舜海潛龍躍此地堯河帶馬巡  
獨有前池一小雁叨承舊惠入天津

第二章

左拾遺  
蔡孚作

帝宅王家大道邊神馬龍龜涌聖泉昔日昔時經此地  
看來看去漸成川歌臺舞榭宜正月柳岸梅洲勝往年  
莫言波上春雲少祇為役龍直上天

第三章

太府少卿  
沈佺期作

龍池躍龍龍已飛龍德先天天不違池開天漢分黃道  
龍向天門入紫微邸第樓臺多氣色君王鳧雁有光輝  
為報寰中百川水來朝此地莫東歸

第四章

黃門侍郎  
盧懷慎作

代邸東南龍躍泉清漪碧浪遠浮天樓臺影就波中出  
日月光從鏡裏懸雁沼回流成舜海龜書薦祉應堯年  
大川既濟慙為楫報德空思奉細涓

第五章

殿中監  
姜皎作

龍池初出此龍山常經此地謁龍顏  
日日芙蓉生夏水年年楊柳變春灣  
堯壇寶匣餘煙霧舜海漁舟尚往還  
願似飄颻五雲影從來從去九天間

第六章

吏部尚書  
崔日用作

龍興白水漢興符聖主時乘運斗樞岸上丰茸五花樹  
波中的皦千金珠操環昔聞迎夏啟發匣先來瑞有虞  
風色雲光隨隱見赤雲神化象江湖

第七章

紫薇侍郎  
蘓頌作

西京鳳邸躍龍泉佳氣休光鎮在天軒后霧圖今已得  
秦王水劍昔常傳恩魚不似昆明釣瑞鶴長如太液仙  
願侍巡遊同舊里更聞簫鼓濟樓船

第八章

黃門侍郎  
李又作

星分邑里四人居水洊源流萬頃餘魏國君王稱象處  
晉家藩邸化龍初青蒲暫似遊梁馬綠藻還疑宴鎬魚  
自有神靈滋液地年年雲物史官書

第九章

工部侍郎  
姜肱作

靈沼縈迴邸第前浴日涵天

一作春

寫曙天始見龍臺昇

鳳闕應如霄漢起神泉石匱渚旁還啟聖桃李初生更有仙欲化帝圖從此受正同河變一千年

第十章

兵部郎中  
裴璠作

乾坤啟聖吐龍泉泉水年年勝一年始看魚躍方成海  
即觀龍飛利在天洲渚遙將銀漢接樓臺直與紫微連  
休氣榮光常不散懸知此地是神仙



御定全唐詩卷十二